

✉ Re: 2002015 - ASK BR - Efnistaka í Mýrdalshreppi

Búið til	15.5.2020 16:52:23
Höfundur	Trausti Baldursson
Sent	15.5.2020 16:52:22
Tilheyrir	📁 202005-0001 - Efnistaka í Mýrdalshreppi. Ósk um umsögn vegna skipulags- og matslýsingar vegna breytinga á aðalskipulagi Mýrdalshrepps 2012-2028

Efni

Re: 2002015 - ASK BR - Efnistaka í Mýrdalshreppi
--

Upplýsingar

Sent	15.5.2020 16:52:22	Staða	Imported
Eigandi		Tímamörk	
Skjalalykill	42-0 Umsagnir almennt		
Lykilorð			

Vinnsla

Pátttakendur

Frá	Trausti Baldursson - NI (Trausti.Baldursson@ni.is)
Til	bygg@vik.is

Innihald

Vísað er til bréfs frá Mýrdalshrepp, dags. 30. apríl sl., þar sem óskað er umsagnar Náttúrufræðistofnunar Íslands um skipulags- og matslýsingu vegna breytingar á Aðalskipulagi Mýrdalshrepps 2012-2028 vegna efnistöku en skilgreina á efnistökusvæði og iðnaðarsvæði í fjörunni austan við Vík í Mýrdal.

Náttúrufræðistofnun hefur farið yfir framangreinda skipulags- og matslýsingu og telur að í henni komi vel fram þau atriði sem þarf að fjalla um við frekari vinnslu á skipulaginu og einnig er bent á að framkvæmdin, verði af henni, fellur undir B flokk í 1. viðauka laga um mat á umhverfisáhrifum.

Ábendingar vegna frekar vinnslu á málinu:

Ströndin við Vík í Mýrdal hefur breyst mikið frá Kötlugosinu 1918 og hefur ekki enn náð því jafnvægi sem var fyrir gosið. Módelútreikningar Fannars Gíslasonar (<https://skemman.is/bitstream/1946/9182/1/Master-thesis-Fannar%20G%20adslason.pdf>) benda til þess að jafnvægi á setflutningum við Vík muni ekki nást fyrr en um 150 m af núverandi strönd eru rofin burt og bendir jafnframt á að ef ekkert er að gert geti rofið náð allt að þjóðvegnum. Margir umhverfisþættir hafa áhrif á strandrof og setflutninga s.s. ríkjandi vindátt, öldugangur og hafstraumar. Tveir sandfangarar, sem byggðir hafa verið út í sjó fyrir neðan byggðina í Vík, hafa reynst vel og stöðvað strandrofið sem ógnaði byggðinni fyrir nokkrum árum.

Ekki er ljóst hvaða áhrif efnistaka austan við Vík mun hafa á þetta ójafnvægi í setflutningum og rofi meðfram ströndinni. Skiptir þar mestu máli hversu mikið magn af seti á að moka þar upp. Í skipulags- og matslýsingu er efnistaka af svæði E1 flokkuð í stærð II sem er skilgreind sem lítil náma; 10.000-25.000 rúmmetrar. Æskilegt er að gerðir séu útreikningar á hugsanlegum áhrifum efnistökkunnar og áhrifum á ströndina vestan við hana. Þá þarf að taka tillit til áhrifa vegna loftslagsbreytinga s.s. hækkandi sjávarborðs, veðurfarsbreytingar, o.fl.

Einhver uppgræðsla hefur verið á efnistökusvæðinu og athuga þarf hvort námasvæðið auki á sandfok í Vík þar sem NA- og A-áttir eru ríkjandi vindáttir á svæðinu.

Í skipulags- og matslýsingu segir: „Efnisnámur eru yfirleitt skilgreindar sem óendurnýjanleg auðlind. Sérstaða Mýrdalshrepps hvað varðar efnisnám er uppspretta efnis vegna efnisflutnings sjávar annars vegar og jökulfljóta hins vegar. Auðlindin er því að ákveðnu marki endurnýjanleg“ Varast ber að nota þessi rök sem ágæti fyrir því að taka efni á þessum stað því sveitarfélagið þarf að meta hvort einhver hætta felist í því að taka efni á þessum stað í fjörunni sbr. umfjöllum um rof. Frekari skoðun á málinu mun væntanlega leiða í ljós hvort heppilegra sé að taka efnið fjær s.s. við Múlakvísl.

Virðingarfyllst,

Trausti Baldursson
Náttúrufræðistofnun Íslands
Icelandic Institute of Natural History
Urriðaholtsstræti 6-8
210 Garðabær
Sími/Tele: 590 0500
Email: trausti@ni.is (mailto:trausti@ni.is)



From: "George Frumuselu" <bygg@vik.is>
To: "skipulag@skipulag.is" <skipulag@skipulag.is>; "ust@ust.is" <ust@ust.is>; "Móttaka - NI" <Mottaka@ni.is>; "Erna Bára Hreinsdóttir" <erna.b.hreinsdottir@vegagerdin.is>; "Uggi Ævarsson" <uggi@minjastofnun.is>; "anr@anr.is" <anr@anr.is>; "hsl@hsl.is" <hsl@hsl.is>; "Land.is - LAND" <land@land.is>; "bardi@vedur.is" <bardi@vedur.is>
CC:
Subject: 2002015 - ASK BR - Efnistaka í Mýrdalshreppi
Date: 30.4.2020 10:41:43

Góðan daginn,

Óskað er umsagna vegna meðfylgjandi mál.

Kveðja,

George Frumuselu
Skipulags- og byggingafultrúi
Mýrdalshreppur
Austurvegi 17
870 Vík
Sími 487 1210 / 866 3966



Viðhengi

image001.gif (2 KB)

Ósk um umsagnar ASK BR Efnistaka í Mýrdalshreppi.pdf (234 KB)

ASK BR - Efnistaka í Mýrdalshreppi - skipulags- og matslýsing.pdf (844 KB)

image001.gif (2 KB)

image001.jpg (6 KB)